

謫  
磨  
堂  
遺  
集

謫磨堂遺集

詩一

德清戴望

送纓兄游中州二首

柔兆  
執徐

獨向中州去吹臺正朔風蕭條此行役坐臥與誰同  
列郡方憂旱沿江數舉烽歲寒念將母能勿怨涂窮

飛雪滿羣山愁看塞雁還臨風三弄笛如聽古陽關  
矰繳傷毛羽江湖涉險艱稻粱謀可足期爾白雲間

寄遠

瓊圍大  
荒燕

鴻雁東南飛哀鳴向衡陽白雲在高天迢迢思故鄉  
與君共命鳥鼓翼同翱翔飄風從何來靈匹忽分張  
皎日不再出弦月難期望思君阻江漢欲

渡無由杭當春蝴蝶飛衆艸忽已芳長愁蘭蕙質奄忽隨秋霜  
焦明尙有偶鳳獨離其皇紉君秋蘭佩永矢弗相忘

代贈三首

妾若天池水經流絕大荒君爲吳地月流景照瀟湘  
蘭芷秋將晚星河夜未央心傷南去雁高唳不成行

欲訴羈愁苦應憐遠道難蘭橈湘水上獨對暮山寒  
霜落驚元鬢風飄折素翰華容恐衰歇三五月將闌

登山託采薇遠望可當歸觸緒心如咽懷愁命亦微  
慈烏傷夜泣鳴雉感朝飛意欲從君去中心願有違

蘭谿舟中懷陳貢士長孺

著雍  
致辨

斥堠勞相迎江山坐引領征帆挂北風遙帶飛鴻影歸時桃花紅去時楓  
葉紫不見采蘭人相思若流水

姑射三首

姑射僊人冰雪姿吸風飲露閉巖扉素心遠寄琴三疊纖手親題錦百圍  
薦以馨香蕩魂魄照將明鏡比光輝字周四角情難際鳩鳥爲媒願已違  
攬茝紉蘭怨楚湘當年銀漢隔紅墻乘槎日暮留靈瑣采藥春游過紫皇  
貝錦詎期終變幻瓊華何忍聽飄揚淒清不少緜山意吹徹秦簫合斷腸  
關風伏雨送行時悽斷江頭折柳枝齊苑黃華難續命御溝紅葉好題詩  
可堪銜口爲誰語爭奈傷心不自持山北山南相憶苦緜欽空有淚連絲

白日

白日升天去，倉黃不復分。夷羊仍滿野，海雀亦成文。欲棄人間世，甘從麋鹿羣。淒涼呵壁問，蒼昊鬱重雲。

遠道

自送雲軿已惘然，珠沈玉碎况年年。缺圓有定徒修月，離恨難平莫補天。宛轉心香含頃刻，拋殘密約悔從前。堪嗟獬犬憎蘭佩，遠道相貽恐棄捐。

神山二首

海上神山事已非，青鍾况復送書稀。明知孤往難爲別，更恐重來失所依。月榭香殘鸚鵡語，梧宮春盡鷓鴣飛。瓊漿願就雲英飲，淚滿藍橋不忍歸。肺疾纏綿直至今，龍宮方劑感恩深。仙桃卽是萬年藥，瑤艸寧無一寸心。塵掩鏡奩虛照影，弦分玉軫罷調琴。舊巢泥爪留遺跡，梁燕歸來何處尋。

怨歌行二首

昔時妾與君有若同枝鳥今時君與妾忽爲道傍艸道旁艸離離蕭艾何其多君情詎相棄妾去當如何渡海畏風波陟山迷雨雪兩雪阻舟車風波慎委折行行何處留雙鳥戲中州琴聲彈作思歸引湘水聲隨弦上流生年當筭時窈窕世無雙對鏡今自照骨出成飛龍與君金石交恩愛兩不疑重以父母命申以媒妁辭兔絲附女蘿自信無愆期誰知人事多反覆明珠白璧頻蒙詬紅顏入室惡女仇鮑魚襲香芳蘭臭無端比翼中道乖霜天曉角爲君悲願采夫容花結以爲君佩繽紛苟自飾何用傷離異鸞漂鳳泊念家山別後思君渺河漢

碧城

折碎珊瑚怨蹇修空將纓佩託鳴鳩乘槎未信剛風迴挾彈偏傷翠羽柔  
惱亂鷓鴣弦訴衷曲橫斜鳳紙寫離憂碧城十二闌干外浪向銀潢盼女牛

湘山

湘山月落正黃昏湘竹爛斑似故園已分飄流隨斷雁未酬心願託孤根  
驪燕淚化紅心艸環佩聲疑紫玉魂欲就重華問消息三春蘭芷渺無痕  
筠竹

筠竹叢叢老欲斑回風搖蕩綠雲間綵絲永織迴文淚丹竈難鎔寄恨環  
霧裡星辰迷極浦鏡中霜月照積顏返魂無術心香燼化作零花墜玉山  
述懷兼呈陳徵君奐宋大令翔鳳兩先生二首

丹穴有神鳥自名爲鳳皇趨步中韶濩孤鳴含宮商朝飛暝海游夕還息

博桑神明運八極豈以形骸妨何爲失其所燕雀同翱翔豈不思明堂欲  
集無朝陽梧桐已見伐虞羅張高岡羞爲欽鴉羣卷羽隱文章遐哉西方  
思彼美何可當

鯨魚拔山嶽環海無安流倚劍望八荒茫茫使人愁神龍忌涸澤恥爲羅  
網收鴻鵠一再舉逍遙覽神州太陽不東升陰氣襲巖幽螻蟻亦何辜脯  
醢充君羞攬轡追羲和將隨陽谷游鸞鳳舞雲門高舉何所憂

烏棲曲

老烏啞啞啼不已幾回欲棲復飛起蘇台月落胥江水西宮燈火光射城  
銀瓶瀉酒如海傾管絃聲裏東方明東方明君起舞宮門隆隆轉三鼓

吳貞女行



吳貞女厥父昌執業縫人爲賤工母早喪侍父居閨中幼受姚氏聘姚爲  
農姚子富父振民遭年不祿道逢鬼伯父子皆靈身赴至貞女家來貞女  
聞之如平時但屬鄰婦入市貨素布與色絲一日父它出乃出聘物絲繫  
布纏之仰天願歎歎素布色絲今日是妾致命期重門沈沈魚鑰閉父歸  
呼女不聞女騰起關戶入覲久經死所居吳港里以事白吏徵詩歌其事  
誠足多吾詩非苟爲刻諸南山松柏墳貞女之名永不磨

湖中阻風同施粉

北風天字黑孤帆不得度與子維方舟薄莫隔雲霧故鄉在俄傾咫尺迷  
歸路緬懷滄洲遊聯袂登孤嶼湖中七十峰動搖若奔注狂飈不足懼危  
坐能安虛明發歌采菱叩舷茗鬻去

懷周孝廉學汝客吳江

相思七十二峯青空翠飛來落洞庭  
明到蕲山看秋色蘆花吹滿采香溼  
廣德

萬山如欲合形勝實天開突騎長驅入  
防關倒戟哀魚龍徒曼衍城邑遂  
蒿萊設險古來有王公安在哉

避兵東林山賦贈程大

急難重逢日相憐似弟兄家山仍夢寐  
烽火又清明歎息魚鰈市頻驚艸  
木兵荷鋌知計拙應悔作書生

哭宋大令三十韻

虎豹橫衢道狂飈捲地吹江東  
動星象海內喪經師家世推黃閣  
聲華起

白眉莊

莊大令  
逃顯

張張編修  
惠首

親授受劉

劉禮部  
逢謙

李李太令  
兆洛

得攀追早羨登麟

榜終嗟乘鳳池冷官初筮仕令長實遷資禮教蘭陵後琴弦彭澤遺未陽

歎父老湘浦頌旌麾撫字孚施徧旁流解澤垂積勞侵疾久投版乞歸遲

地卜浮谿宅山鄰伍相祠鄭公通德里董子讀書帷文字探皇古淵源接

近時專門慚太傅宅相愧周期

外王父周君  
學與先生最契

謬獻瑀蟲技欣瞻挺鶴姿

孤寒承陶沫謫陋辱提撕緬教春秋法兼論忠緯辭商高非曲說明赤亦

多歧

從先生問公  
羊春秋家法

損益三王制褒譏百代規微言幸未絕大道恨全虧往

復常通訊紛紛互析奇鹿鳴賡昨歲

去歲重預  
鹿鳴宴

鵬集造今茲歷歷襟氛起

悠悠羽檄馳追維尼父痛莫慰巨卿悲曾忝圭璋許兼勞繡段詒窮涂今

寂寞丹甌引迷離自有聞孫狀

令孫

誰銘有道碑束芻虛致奠哭寢獨陳

詩營咳疑還接檄書或可窺它年編舊集好報九京知

立夏日雪

天意吁可怪無端夏雪飛紛紛斷江路片片送春歸愁說臨安事憂聞深  
水園無慘還對此默坐念庭闈

隋宮詞

年年歌舞在迷樓十斛螢光徹夜遊一自遼東車去後月明常照六宮愁  
從軍行二首

機槍掃盡息妖氛磨盾先傳露布文應效謝公淝水捷圍棋談笑却秦軍  
燕然山上銘崖石從此西湖遂解兵三十六君長稽首君知定遠亦書生

元日

重光  
作噩

寂寞逢元日，書空黯自憐。一生惟有淚，萬變盡由天。烽火驚墟墓，先墓在仁王山

官兵與賊互屯營其地

蠶繅缺歲年，春風吹劍氣。愁到酒杯邊。

入州城二首

茗水經百里，逶迤見南山。玉湖清若空，蒼翠環其間。春風忽蕩漾，作態何  
嫵媚。感此造物新，不覺涕泣漣。雄關報失險，敗師爭編菅。劫灰一蕩掃，萬  
戶沈煙寒。當時數游侶，登頓窮攀緣。高陽舊酒徒，星散不復還。恍然丁令  
威，化鶴來塵寰。

吾家宅州城，近在定安門。宅後對蒼弁，前臨茗水瀕。宅南有古柳，垂條映  
清淪。吾幼頗好弄，日與鄰兒羣。招來碧陰下，竹馬調笑頻。自從兵火後，此  
樹伐作薪。我今復過此，歎息甚逡巡。吳關尚酣戰，擊柝聲相聞。城頭旌旆

揚城外雲鳥屯行將遠別離却立望郊闔常恐陵谷變到眼皆荆榛吞聲  
念此樹吮筆爲酸辛

將游閩中別費生襄四十二韻

漂泊干戈際斂軀事遠征憐予長落魄愛汝劇聰明別袖悲高舉離筵慘  
獨行驛亭迷往路列樹表郵程憶昨初膠漆相從尙幼嬰尊師猶視父誨  
弟實難兄肱被眞無忝融梨早著名曠神秋水秀眉宇玉山清汎掃箕加  
帚趨承席奉衡授書疑祖甲肄雅補由庚字解凡將習篇能急就成吐詞  
胡鬱律得勢見崢嶸慧悟超前哲風期畏後生方欣業文史遑計值紛爭  
桐汭朝聞變菰城夜點兵遷延俄十日警報至初更宿雨花朝霽輕舟別  
夢驚沈埋移歲月磨折念孤梵淞水烽傳急吳宮聽鼓鳴東南據封豕幽

薊駭奔鯨竄迹經年久窮涂萬恨并蒿萊嗟滿目弦誦不聞聲未遂循陔  
養空懷奉檄榮去閩心震蕩鼓權意碎匄冉冉春煙迴依依柳絮榮執袂  
逢令節出郭且班荆共對山川豁兼愁氛侵盈浮梁看積雪歧路忽催旌  
厚愛嘉授贖陳詞託報瓊素王遺典籍赤兌繼儒英述作明徵聖經綸大  
反正由來秉周禮甯懼蹈秦阮異學雖充塞微言詎晦盲倘能勤服習會  
見治升平自念憂如搗終虞學未精蛾傷時術陋雁爲稻梁營倘悅寥天  
望艱危陟屺情杼哀歌始發罷酒涕交橫攬轡頻搔首臨分乍解醒重期  
良會親庶慰夙心傾闔海波濤險金門島嶼迎乘桴從此去天地一浮萍  
度錢唐江別江庭

揮手一爲別愁如江水長北風天雨雪今夕度錢唐獨舉傷鴻鵠行歌類

鳳皇男兒身七尺空自負昂藏

孤陵

夏后昔南巡玉帛會時覲名茲會稽山鬱爲東南鎮陟方遂殂落卽此幽  
宮瑾唯時窮亥步哀思歌虞殯緬懷神明德禪授同堯舜山澤徧輶轅吠  
澗窮疏浴自非抑下鴻豈得免饑饉謳歌代莫忘烝嘗遠弗籜假哉苴姓  
裔餘烈今未殄猶留十數家耕此荒山眈我來瞻陵廟肅拜首重頓豐碑  
告祭隆窆石形模峻曠觀荒度功鬱結懷輪軫哀哉尼父歿皇綱不復振  
遺篇脫秦焚復遭永嘉燼

孔壁中佚書亡于西晉名篇有大禹

冀州桑橫潰京雒數顛隕平

成不再覩昏墊痛誰愍蚩尤長竟天太白動芒刃黃塵變清水楛矢脫弓  
紉國門橫鯨鯢高秋馳鷹隼獨憐蟣蝨臣蹙蹙靡所騁自古有倚伏剝復



相乘運上帝哀庶侈矜寡垂清問旋占雲入房行見參旅填南面開明堂  
布德先和令庶民遠績功粒食詒萬姓分封並祀鄗報德隆漢晉復見牲  
醴陳冠常被龍袞陳詞願澤靈垂聽應解慍

蕺山拜劉忠介公祠四首

忠介遺祠在精靈舊地歆衣冠瞻肅穆巖壑想登臨衰命夷齊歎匡君稷  
契心高山空仰止試誦采薇吟

萬古橋山遠遺弓獨闕藏清修曾賜敕

思陵賜公敕有云疏食菜羹三月不知肉味敕車馬廿年猶是書

生明聖正當陽北闕俄傳燧南都恨處堂孤臣徒雪涕艸莽拜封章

蕭寺行踪寄中朝黨論新笙歌羣泄沓冠帶遂沈淪絕粒嗟辭墓遺忠動  
薦紳貂參雖致聘肯向乞閒身

清谿親授業

公學本吾鄉  
許恭簡公

漳浦與齊名  
孤子仍高節  
門墻列俊英  
設龕親

俎豆

兩旁栗主三十六人定自  
金唐常除皆後人附益

鼓衆薦犧牲  
我愛三黃子  
遺書賴此明

四明遇友人二首

劍佩衝星意態狂  
黃金結客少年場  
青梧覆社提封大  
仙李蟠根奕葉光  
誰使江流沈鐵鎖  
劇憐海國作金湯  
恭王宮殿今禾黍  
壞壁猶聞出舊藏  
四明山色接天台  
迴望蒼蒼萬壑開  
列象似聞通御宿  
降神願拜得仙台  
鈞天鶴首酣秦夢  
橫海龍鱗笑魯杯  
便擬乘風叩金闕  
攜君華頂采芝來

泛海至福州

五月乘槎至  
悲歌望福州  
舟車通海市  
雲漢有高樓  
溽暑朝含霧  
飛星夜射流  
南台燈火夕  
簫管不知愁

懷崔副貢書齋

荆溪人

老去思崔瀨音書久寂寥餘生悲戰伐落日侶漁樵憶昔歌招隱曾同約  
挂瓢五湖烟水澗何處著輕橈

夏門望月有懷蘭穹山中道士

山在上虞縣

明月出碧海復挂蘭穹峰峰頭多瑤艸昔多留行蹤誰拍洪厓肩共乘雙  
飛龍渺焉發孤想仙人杳難逢

絕句

立然閣茂

夢挂玉湖帆言歸東林麓倚閭正慰勞鳴雞催喔喔

有馬

有馬真奇特哀鳴向我愁超然凡骨外致乏束芻謀身恨青絲繫神馳白

水遊儻逢穆天子颯沓上皇州

聽楊大令元華

宛平人

彈琴

泠泠清素心試鼓一絃琴新聲恐曼衍請奏咸池吟  
西山有鳴鶴遠在太華岑憶昔逢堯年曾聽箭招音聞聲徒相思  
逝者難重尋  
滄滄今何往隕涕千載深

泉州碧山巖宴集有作

海色遠明滅朝霞動光晶協風拂林木百鳥相和鳴  
南雲蔽鄉樹寂寂寒暑征樂酒永今夕合沓來友生  
緜華媚旭日絢爛臨丹城舉醅豈無算所貴君子情  
撫時悲失職方寸誰能平酌取碧山泉可以濯吾纓

石龜尙懷海朔鴻終戀北嗟哉遠遊子饑驅苦爲累  
幾塵一隔絕道遠志

莫遂中夜望星河隻身歎憔悴仰顧慈母恩俯念良友誨思心結南雲臨  
風輒揮淚

丈夫志四方堯舜期君民胡爲畧天下而乃親雞豚筮旅悲命窮隱憂當  
吾身隱憂自有在不在飽與溫弗炫逢世資抱璞以自尊爵祿或不及榮  
辱非所論譬諸景星見見必逢羲文無何升天半華采光乾坤

人生一大夢百歲須臾間萬物皆速朽君子貴其全不見古人冢頽塌荒  
山前黽黽穴其側鴟鵂巢其顛柏林伐已盡蔓艸滋荒煙姓氏既湮沒孰  
辯愚與賢問天天不語麥飯徒云然薊門餼華子逐逐事征鞭富貴如浮  
雲於我何有焉令名克自振千秋乃以傳前車猶可監相期共勉旃

黃塵塞天下奚啻蜀道難有生不自惜鹿逐良可歎丈夫登廊廟隻手迴

狂瀾既不與時合巖穴固所安長歎渡滄海拂衣歸故山勿畏波濤險禮  
義夙不愆菽水事吾親得以全其天誓將買黃犢去耕南山田

有客遠相訪云自天台山問以山中趣答言山中歡山中何所歡暖鶴不  
出山山中何所歡雲海生奇觀山中何所歡列宿環峰巒山中何所歡瑤  
艸青琅玕清泉可以酌紫芝可以餐我聞願往從長此辭塵寰扶筇上高  
頂一覽心甸寬日月秋毫小乾坤一彈丸揮叱風雲伏撫摩星辰寒夷齊  
與之友巢許相追攀煖塵不到眼俛仰開心顏

相疑莫相疑行

君不見昔日夫容華今日道旁棄一朝相疑何至此夫容華出古井水井  
底波瀾終不起請君莫相疑相疑聽我歌一言黃巾充塞道路難風塵瀕

洞愁長嘆二桃日殺三壯士齊廷誰爲鳴其寃周公昔抱流言憂仲尼迹  
遭彼婦口古來賢聖尙不偶期君白首長相保西施嫫母有時易舉世誰  
能辯妍醜請君莫相疑相疑卒至流金與尺碧深海難測量淫文典乃破  
勝武天所強不聞文陵戰聽律夷聲揚

寂寥

歌罷南風有遠音聲情俱向五弦尋寂寥今古風雲外俯仰乾坤痛哭深  
詞賦能消豪士氣江湖誰識布衣心漫漫長夜何時旦坐看星河漏點沈

惆悵

惆悵魚羊禍未休難從鄒衍問神州晴天擊鼓高空裂

仲夏日丁巳天鼓  
鳴西北聲如雷

暈月垂芒夜氣愁人有十洲三島思再經八月五湖秋誅茅安得南山宅

臥聽村翁說項劉

洛舍濺二首

洛舍濺南風浪喧大通橋北雨飛翻榜人苦勸公無渡遙指金鵝山氣昏  
抽帆齊唱大江東百里湖山指顧中雪浪高飛雲倒倦狂歌不怕鯉魚風  
別後寄蔡十一外兄五首

高士祠前黯夕暉亭侯宅畔淚沾衣心懸天漢雙星渡目送征鴻萬仞飛  
失涕喜傳河內信

得纒兄自河南孟縣來書不通消息者十載矣

倦遊應憶蠡山薇淮南桂樹今

搖落惆悵王孫尙不歸

離騷讀罷四更殘夢裏涼衾月照寒已畏狂名滿人口猶然浪跡滯江干  
秋風故里驚禾黍陰雨空山泣蕙蘭鬱佩青琴無限恨摘詞重見淚盈丹



零星往事感無因，敷衽思憑上帝陳。  
青史功名餘故舊，白雲心跡嘆風塵。  
恩深骨肉兼知我，即亡姊義重朱陳合舊姻。  
玉塵金鵝山對峙，淒迷雲樹欲

無津

尋昔日園亭遺址留連移晷

十載江湖路已賒，鬢絲撩亂感年華。  
彫蕙畫棟聯新主，衰艸斜陽泣故家。

野哭猶然聞戰伐，郵程何處麻風沙。  
青衫我亦傷憔悴，願向山南學種瓜。

別後思君似隔生，江流不斷子規聲。  
雲垂石鏡山如黛，

第五妹遠適江右向氏亂定後初得

音人去瀟湘月正明，漠漠征帆隨逝雁。  
悠悠塵海散浮萍，牢愁心事無人識。  
聊託蠻箋訴不平。

麻麻

麻麻秋山列畫屏，離離衰艸帶餘青。  
望中亭沼沼焦土，亂後親知似曙星。

碧血成磷埋怨恨白虹貫日走精靈故家門內滄桑事話到淒涼掩淚聽  
同人戲詠物得水僊花

何年栽此種移自水晶宮六出有如雪一花開過多孤芳徒自絮塵土恐  
難容祇合配蘭杜青青湘水中

題畫四絕句

藤杖倚孤松落日聞山鐘隔谿一片雪飛出白夫容  
襤被行獨宿蕭然太古情荒山夜半月何處墮蟻聲  
修竹色深淺涼雲任舒卷柴扉開未開半掩鳴山犬  
疎雨滴高林芳艸淨行迹故人期不來一片山容白

松

上章  
教序

風雨名山裏堂堂古丈夫甘從不材老梁棟未全無

楊鐸大令見詒伏生授經畫象石刻

仲尼生衰周元聖不代倉遂叙書百篇步驟追三王暴秦遽燔滅孤學疑  
將喪涉南有大賢復壁爲收藏目覩沙邱亡百年漢道昌垂拱得孝文求  
書於四方欲遣安車召老病不能行迺命掌故朝往受詔太常竝口傳大  
義弱女爲宣揚遺篇廿九存珍貴同琳琅自是孔壁書萌芽出講堂增多  
十六篇今古相頡頏由來師授同口說非參商康成始立異後世愈乖張  
康成初注尙書大傳頗尊伏學後注經文多取異說非伏非孔莫決所從 僞書起魏晉流行極宋明天恐斯道  
湮鉅儒踵相望闔惠導其前後逮江段莊陽湖有孫君隄緒尋微茫創請  
立博士書教千載光淵淵叔重齋訪古鄒平鄉傳拓得石象示世增景行

是刻始爲日照許瀚孝廉所得移置沂州府學楊侯實好我詒此長羹培鬢鬣習典誥逮茲年逾

壯思垂不朽名編簡猶未央

予課古文尙書述尙未成

特立懷周漢援筆涕浪浪

道州何編修來自安慶楊鐸大令方朔通守招予及莫孝廉友芝觴之於

陳氏園卽席賦呈四首

燭月交輝處庭花向牖開美人攜橘柚新自洞庭來大筆千春重寒江孤

棹迴相從數耆舊同此淚盈杯

編修好談先輩遺事詢予宋陳二先生身後甚悉

黔中餘舊學流寓久金陵名豈公卿掩交從道義稱亂離隔昆季著述付

械滕私喜逢知我陳編校錄仍

孝廉取予箋子校正錄副去

薄宦疑羈客塵中二妙逢各懷才若海兼吐氣如虹廣厦千間願勞生百

轉蓬獻王今不作休問日華宮

賤子百無似登龍價若何喜逢德星聚彌覺古懷多佩玖思周士迷陽唱  
楚歌明朝江上別但祝定風波

揚州逢凌瑕

幽憂不可釋獨向維揚遊與子忽相值還攜上酒樓樽前京口樹煙外秣  
陵秋明夕戴星發含悽一葉舟

自江甯歸杭州雜詩四十首

抽帆疾似馬行空兩點金焦瞥眼中一夜西風吹倦客龍江朝發夕新豐  
雲陽驛路接毗陵日入城門闔未會玉帶橋邊上弦月酒樓幸得故人登

謂登  
生

劉子情非辟草萊管生氣可奪風雷管樂才叔同聲俱念趙文叔趙君趙甫方  
官磁州知州

豈是尋常百里才

陋巷相借訪莊子

莊子 仲求 敬

仄徑松陰寒不止階前古綠上莓苔臥病何緣

困居士

襄文後人吾舊友

唐 曾頤 尹

閩海風濤別來久一朝相遇市闌中爲問珠娘

今在否

閩中麻屨憶前聞船政緡錢兩苦勤竟使東陽要帶減誰憐盲左不能軍  
錫山嵐翠濕征衫秋影橫江好挂帆愁殺江干數株柳非春依舊綠穉穉  
濛濛微雨遶吳門喜有高朋倒酒樽

程 乘 劍 公 則

入世升沈何必問得同古處

卽天恩

東南古學比晨星一老靈光數管甯

管 洵 美 處 士

並起張

星 丁

潘 錫 侯 諸  
士 涵 錫 侯 諸

子寥寥天壤抱孤經

談經鄉里此牛耳

蔣甫年丈

戚長依依似友生天遣名山終老去  
箸書盈篋勝

公卿

魏澹醇醇多古心

魏產仲

周禹郁郁比南金

周世徽孟輿

更來張籍亦佳士

張瑛仁卿

能識朱紘疏越音

青楓樹禿過吳江  
墟影斜陽入短窗  
野史亭前成腹痛  
不禁揮淚送輕艘

亡友吳劉深晚鉅爲節士赤溟先生族孫留心明季遺聞家藏野史不下百餘種斐然有撰述之志今沒已五年矣

寒山帆轉向新谿  
深竹林中杜宇啼  
爲憶徐生真絕俗  
每談河右輒頭低

徐處士初民嘗論近代經學之盛蔚山毛氏實啟其端比於後來若陳涉之開漢高識者皆建其言

舟從古澗中間過  
帆自青山缺處來  
風景吾鄉誰得似  
金鵝終擬草堂開

舟從古湖二語用劉  
文房過德清詩句

上下蘭山展先墓借行昆季悵無多松楸歲歲他鄉夢少壯飄零老若何  
一曲落梅思往事依然幽夢感林逋傷心谿上明明月照見吳羌山影孤  
豈是佳人居北里絕非艷體仿西崑高邱終古哀無女廿五騷經結淚痕  
徐家羣從顧厨匹朗朗玉山峯上行徐符香士樂菜生  
士聯愛應諸君我愛南村老居士  
劬書昕夕事康成

清言吾好江文通略具當時正始風黃葉滿門人不見悵然勞燕各西東  
江子平方  
客未中

東林寺裏舊藏書避地庚年此儻居今日荒山重訪古空餘斷碣臥邱墟

子於庚申年避兵歸安之東林山山有唐時  
經檢四屹立榛莽中今重訪之祗餘其二



水南水北百家村中有書牘畫掩門萬卷丹黃零落盡可憐弱弟亦無存

過唐樓訪勞權頭卿頭卿藏書極富爲浙西冠與弟格季言並精籙校各有著書亂後書悉散亡季言亦卒

高文冠絕瀾河東能執通神事事工吾與趙君生並世眞慚煮酒論英雄

至杭州趙搢叔方移家瑞石山下詒此詩

燕市勞塵著此身如君歛學絕羣倫西山秋色今年好可憶南天兩故人

與搢叔憲胡戶部謝甘伯

猶猜瘦狗國西鄰單騎如何遣重臣一疏倉黃誰曲諒筆端浪戰累文人

客有談近事者感而作此

不信狂名動九垓端門磨出反爲災歲星飢死侏儒飽局促風塵劇可哀

與搢叔夜跋書此

武林文獻有曹褒

曹高民  
文雅

古籀書能彛鼎搜前輩淪亡餘碩果無知一任

撼毗蜉

向歆共領漢中秘倍鑒同爲晉室臣父子晚年傷異趣奇文深闕鬼爲鄰

新知吾得洪君木

陽湖  
洪緒

絕學毗陵有爾明甲乙古文憂墜地搜尋南北徧

齊荆

莊先生古文甲乙篇亂後其家亡失稿本君木  
詰齊詢所親之官於齊楚者冀此得復出也

鈕生矻矻事宣髮

鈕亮右廷方  
學虞氏易

施子

份

煢煢訝二毛昔日窪樽亭上醉古

歡未墜意何蒙

寒芒熠熠南雷村傾蓋相逢賢子孫

餘姚黃炳重蔚亭相見  
爲南雷先生九世孫也

它日相逢化

安麓古松流水叩柴門

煙水蒼茫黃玉笛故人風誼白雲莊奇人絕學知無兩敬爲先生炷瓣香

與許亭談晦木  
先生遺事作

昔識譚虬東海上芒屨拋却意難知今日西湖看拄杖可能重賦大言詩  
鉅儒二百載林立吾獨傾心大小莊亦有北方顏李學天衢朗朗日重光

黃巖王生禹堂來  
問學作此語之

艱危觸處見經綸周漢而還有幾人怪兩盲風江路濕陽明古洞自生春

座上客有何時貴者拾曲學之  
唾餘痛詆王文成公感而書此

南屏山下石屋洞靈隱山中龍泓泉高峯十里竹封徑石屋丈人導我前

丈謂曹

靈隱山中龍泓泉南屏山下石屋洞千幽百怪不可說洗耳還來聽禪誦  
北海汝南祠勝地阮公大被浙名流從茲蠶藻春秋薦兩戒爭傳第一樓

岳祠于墓相鄰近異代精魂倘在茲更有前朝老司馬孤忠耿耿北征詩  
鎮海樓前月照寒紫陽山色望中寬翠陰叢裏明湖見恨乏詩人詠考槃  
秋晴十日杭州住明發武林門刺船湖雨江風送羈客寒潮西去秣陵天  
酬范大令二首 重光  
協洽  
手板不足恥前身是少微翩然去京雒一鶴向南飛鍾阜烽初息樊山夢  
早歸陽陽爲祿仕跡未古賢違

眇然一芥內可作須彌遊佛說四天下騶談九大州梯航接星漢聲教富  
春秋待訪錫蘭島鯨濤慮覆舟

寓意三首

王母飄飄下翠旄雲中仙樂響噉嘈自從海上琴音度不信人間法曲高

鄰女登壇私望宋侍兒  
隔苑巧偷桃何如鶴背吹笙客  
長與緱山玉女翔  
遠山含黛夢難分  
十二連峰隔雨雲  
破鏡終隨鸞鶴舞  
餘香還惜麝蘭焚  
龍堂貝宇非前度  
玉口金書盡舊文  
傳道漢皋神女遇  
如何貽珮未曾聞  
月冷蘭房花影移  
銀缸明滅夢迷離  
階前啼鳩驚魂候  
簾外遊蜂蔽畫時  
怨女傷春頻寫淚  
微波有意好通詞  
剪刀風急闌干外  
翠袖凝寒訴所思  
贈南海桂文燦卽送其歸粵

鷓鴣思南枝遠自北戒度秣陵秋  
雨時刷羽陵江去粵海多珍奇寶君過  
璠璵乍見兩傾倒歡若逢舊故百川趨  
學海吐納窮今古含茲好懷抱擇  
善無纖鉅大鵬絕青天垂翼蓋宙宇  
早年慮海防籌策陳當宁時移事累  
變騷動嗟朝野驥足尙風塵偏與凡禽伍  
相知趙搆叔劉恭冕叔陳喬遜山賞歎

非虛譽章布亦足榮還待施雲雨徘徊商出處觴酒道堯禹

哭倪師旦

會稽人

三首

江楓葉初脫暫別忽千秋神藥遲難效

君忠牙疴醫者言當得馬瑤服之過五日不救

延年術未

酬高堂有悲母旅櫬當歸舟念此情何極蒼茫淚欲流

俠骨如君少兼能藝事通刻臚周漢富書仿魏齊雄摹印彫鐫古丹青鑿別工幽魂應戀此忍令化秋蓬

昔向吳門市今來白下時游輦常與共露鬲託相知遭命天難訴微軀事

可悲它年尋宿草定瘞越江湄

贈太傅曾文正公挽詞四首

立默  
韻澁

陽和變秋氣衆木失雲陰毒霧朝含日流芒夜值心千秋喪遺愛四野聽

悲吟不有明公出東南久陸沈

十載蚩尤亂天教力牧平勳猷垂故府感痛有儒生多士忘矜式中朝思

典刑更憐三百戶婦孺涕交縈公初督兩江設清節堂以濟士族之貧者去之幾輔爲某督部所裁建公歸而復且

爲補給前此之未發者凡三百戶公薨日其家皆行哭失聲亦有士人悲號者有軍士慟絕投階下者此皆於公爲末節然不可不志也

南嶽天開運如公首降祥盛名况新建清德軼汾陽豈特中興冠還爲昭

代光都哉文字富道味溢篇章

古稱三不朽公舉足當之欲瀉長河淚爲題誦德碑九京誰可作一甄媿

相知總帳空堂上論文憶昨時

楊大令鴻烈將之淮上招同歐陽太常兆熊方太守瀛王大令吉元讌集

作詩贈行兼送王大令遊楚

入火不焦灼入水不濡播靴與擊磬各自天一隅吾儕雖萃聚意氣貴  
同趨嶽崎數君子彼此情合符如何遽告別噫咽神爲愚舉酒酌鍾山策  
馬不忍驅桃華二三月何不留須臾昊天昨降凶東南失賢侯羈懷鬱難  
語憂來行偃僂蒿目送君往獨苦拘孱軀汎汎楊木舟滔滔江海頭空中  
走鷗鷺地上行殺鞫離合天所爲騁望徒區區它年若相遇得意贈吳鉤  
送杜副將芳園北行

滇池通蜀道幾載西南游又去持叩竹高歌易水頭殘花戀行子落日夢

封侯壁壘秦關滿蒼蒼百二州

副將將欲  
從軍陝西



順德鄧實校刊

謫塵堂遺集

詩一

德清戴望

有所思

關逢  
困救

有所思兮大海南海水無風波濤深鼉鼉噴沫欲渡不可得龍宮明滅誰  
能尋重陰四覆天沈沈雲愁海思傷吾心湘神鼓瑟迎帝子夜闌忽降鸞  
皇音神光出入不知處積想沈吟數朝暮長裾廣帶升天行玉節金符導  
前路恍惚夢登黃華顛白日照曜同金輪仙人攜我九節杖歷井捫夢  
至尊天門詆蕩噉將出冕旒蕭穆垂顏色鈞天廣樂奏未終夢回丹闕遙  
相憶俟河之清不可期合宮聞作昆侖邱南浮沅湘禮虞舜慘澹悲風紛  
九疑悲風垓莽陽烏匿黃陵古廟稍雲結湘蘭沅沚春復秋我欲采之薦

明月有所思望不來心懷君兮口咨嗟人生豈得長別離安得西繫白日  
復迴東爲君酌酒歌絲桐

一昔

一昔緜霜四海秋端居終日抱離憂徒懷阮籍登臨歎長作盧敖汗漫遊  
亂世誰能謀祿隱全生終愧客諸侯越王台上思鄉處一片笳聲動地愁  
送人歸銅山

海風吹汝去何日抵銅山秋草白楊外行人不可攀龍江雲黯澹鷺島樹  
緜蠻麻麻蒼遊地從君夢往還

贈陳大令汝枚

濕雲鬱城野湛雨終日居窮士不得意掩跡守菰蘆商聲出金石匡坐聊

自娛機槍指南土千里無安車君來自三山轉餉良艱虞臥病空巷中握  
手相驚吁爲我具清酒畧翦林園蔬舉酒談軍事當杯色難舒滄海方橫  
流智士隨年徂君抱終軍願志欲清雀苻我高張翰風乘官爲尊鱸轉念  
閭里間舉足成榛蕪何由范大夫招我入五湖

露

白露涼如許秋風日夕來可憐芳草色寂寂委青苔

雜感五首和周十二作

舍利由來通佛國美人終古在西方罡風吹到瑤池信使者輕車見玉皇  
桂樹香殘葉隕沙橫飛朔雪亂啼鴉木公金母愁相見入夜驚開並蒂花  
青鳥遙從海上迴口中銜得素書來旁行斜上佞盧字密約封題掩淚開

天女乘雲渡絳河琵琶聲裂四絃多一樽且樂深宮月唱罷當年勅勒歌  
浩劫銅駝爾許長前游亦是小滄桑江南今日花開候賸水殘山舊夢荒

獨漉篇

旃蒙赤  
奮若

獨漉獨漉泥淖沒軸泥淖猶可沒軸覆我瞻彼東南有疇其星長庚位西  
與此爭熒青青子衿悠悠我心穹谷獨居不聞足音鳥飛高天祝願有弋  
人行泥沙射景有蠖狗啣赦書君子跪受含珠不吐誰知是寶物輕易舉  
口衆難銷客無親疏貴此窮交浩浩者水育育者魚水逝東歸魚將安居  
昆明四注畢原道崩誰言蒼靈生彼秦陵

懷長樂謝章鈺

三山如金碧高峙海東邊一睨閩都士無如夫子賢冥心索爻象側席看

江天聞道羊城去音書誰爲傳

過寶嚴寺

寺爲明祝盤之所建東西後梁皆有世宗時重建題字

斜陽滿窮巷荒寺此行吟萬歲字猶昔三時課絕今飢餓巢佛腹糞鴿悟  
禪心剝落空堂畫循簷感喟深

感興三首

皎皎昆山玉鬱鬱連城壁各有歲寒心不受緇磷易如何中道去乘我忽  
若遺豈翳忠信質翻受羣葦欺玉碎無完期心縣無絕時飛霜吹明鏡憂  
結髮成絲

孤鸞忽飛去衆鳥解相憐獨怪南山鴟瞋目叱其前孤鸞避其喙遠集柏  
木顛多文爲患害常恐禍將然安得乘白雲去上三神山鴟鴞常苦飽孤

戀長苦寒徒憐衆鳥意私愛難棄捐

人情不常美暫見乃成故仲尼昔周流轍行徧天下齊衛久淹留卒亦無  
所遇重去父母國遲遲悲道路垂老賴冉有始得返鄆魯假設上聖姿洞  
達無彼我始知老氏言守柔有深慮

去邵武留別

不忍牽裾別先愁驛使難樵陽秋色裏立馬重相看白日照離席江風生  
晝寒朱明時節過高木咽涼蟬

度雲礫關

高枕閩江勢轉東當關一敵萬夫雄倒懸瀑布青天上亂激危濤亂石中  
當日北門亡筦鑰至今南國怨沙蟲誰憐匹馬秋風客望蒼茫似斷蓬

富春遇故人

海上飄蓬事可哀，芒屨飢走萬山來。  
解囊贈我秋蘭佩，酌酒與君青玉杯。  
遼海文章多痛哭，楚天靈氣待昭回。  
長歌擊碎竹如意，被髮同登舉羽台。  
送趙二孝廉之謙歸會稽

月照山陰雪孤帆，東渡時哀潮望不極。  
大壑動相思，蒼桂如君性。瓊琚非世辭，金門期大隱。  
方朔足爲師

重客吳中憶阿連，有作

柔兆攝  
拋格

雖然似篋磬，下有同音共。此窮途哭，難忘烈士心。  
西方蜚詎思南國，鷓鴣吟念我泉魚痛。麻衣淚至今

漫題二絕句



大海之西天漢通雲帆高掛遇長風輪周南北何人到厓盡水厓地未窮  
一日狂濤千萬迴宣尼欲去歎無材從知身亦蟬蛻寄何異坳堂水覆杯  
別緒

如水華年別緒紛美人消息斷知聞霞光朝暮飛難定山色晴陰慘不分  
密誓有心酬白水私情無路寄迴文秋星耿耿關干外清淺銀河欲化雲  
江上對月酌酒有懷

百年一杯酒六代盡東流起看焦山月遙臨京口舟橫吹青玉笛欲與龍  
君遊照我雙華鬢蕭蕭感素秋

瓜洲

鐵鎖沈江事已休中流殘堞見瓜洲漂搖天地真無計曼衍魚龍且莫愁

廢壘草荒京口鎮西風潮打秣陵舟興亡麻庑南朝事如此江山惜浪遊  
長干

長干塔影已成灰曾見滄桑前度來山鳥飛翻林木盡畫龍蜿蜒戰旗開  
望中彗孛西南滿夢裏笳鼓城闕哀長嘯長歌更何意拂衣應上雨花台  
贈丹徒莊棫

恒陽冬不雪江雁南北來大道揚塵沙烈烈懼沴災與君相唱喁說繹同  
斯時婉孌詒彤管下女慮見曠夕日望城隅幽獨長天思悠悠送日月吹  
竹復彈絲歡樂雖多方旨蓄誰可謀六龍已西駕冥沒周歲期無由覩雲  
物怙悵臨觀臺

送李徵君應召赴闕

張園  
單闕

別君揮玉卮留戀青谿頭借問去何爲馳召赴燕幽南風上海舟四圍天  
悠悠旋輪疾飛鳥鼓櫂凌陽侯頃刻激水火萬里如星流中坐恣談笑驚  
濤安足愁嗟我苦寥閔嘉會曠靡由陽春氣象異蘊結成寒秋頗餘恤緯  
心出涕臨道周大浸方稽天鯨吞東北州昨宵覩白氣閃燦凌斗牛斯民  
若魚鬣波蕩何時休多難啟聖主會見清海隅傳說起胥靡夷吾出羈囚  
期君金門策一解倒懸憂

陪周侍御李徵君登雨花台

崇塘蔽深谷黯澹悲風來陽春遇陰噎荒陰登茲台蕭梁講經地遺跡空  
氛埃隆祠祀李公登築辟草萊當時連玉帳萬騎屯雲開身後崇廟貌過  
客爲低徊竊據有劇盜毒痛良可哀縣師十載餘民命飽狼豺偏師樹偉

續列土由興台俯視乘軒士遠遜什伍材南瞻方楊墓石表何崔嵬成仁  
際叔世咨嗟傷我懷荒山少林木文石多疑岬且酌清泉水烹葍共盈杯  
贈日本鎬融

海水連瓊浦遙瞻日出鄉衣冠符漢制典籍自周王羨爾通經術慙予仰  
聖墻乘桴如有便吾欲往東方

傷歌行

裴回中江渚騁望南山陽日旰不我須漂風含慘傷聞將遠行役明發定  
何方春草盈西洲江波流激揚束薪不可留羈跡難相忘誦彼魴魚詩掩  
抑摧中藏瓜期儻可代笑語宛在旁躊躇長干女蠶月條青桑感念接翼  
鳥下上羣飛翔人生不如鳥流淚獨承匡

別歌行

鬱鬱山木枝下臨中江陰芳菲播春榮翔舞來文禽感茲動離思零涕沾  
予襟嚴冬天隕霜澤雁號淒風弭節共遵渚接武行中林既去不我偶重  
來悵當今知愛無故新念茲情意深連絲引山岡遙睇徒憂心洪濤日東  
注惻惻年歲沈麻麻舊行跡冥想方寸尋永歎出矢言特用報佳音

贈武進劉開孫

神曠絕天表井魚守偏隅自非口寡特疇能別賢愚緇塵滿京雒局脊忘  
所趨高邱哀無女何幸來彼姝鸞音發中天遠聞聲若簫大道有張弛聖  
治在春秋令祖遵鴻業董何勤搜求大鳴警鸞噴先師說同符

宋先生  
翔鳳

周

情而孔思和者何寂寥曠世得見君自愧非匹儔河原自星宿渾渾異衆

流願資輸灌力母致耘鋤憂

贈陽湖趙烈文

江春富文學人士數毗陵之子推賢俊高名赧岱恆奇情由閱厯俠氣欲  
飛騰斥鷃慚予陋榆槍決未能

上湘鄉相國二首

朱霞起衡嶽軒軒望天半上相曜光芒昭章爛雲漢嗟茲吳越民旦旰困  
兵亂喜見相公來江介開清宴自憐山野士秉性更樛散幸得見顏色遂  
使忘疏賤竊於侍席頃推測猷裕遠溫恭多威儀雅量無畔岸想見百萬  
軍湛然能持變始知武事立皆由常德建令辟頌周宣山甫天所眷還期  
海甸平長使忘征戰

亭亭幽蘭花孤生於道旁豈不慕高潔摧折使心傷幽蘭自言香無人識  
芬芳嗟哉鄰枳棘久閱日月光長恐烈火焚枝葉離其英安得彼姝子移  
之植朝陽儻充君子佩或可祓不祥秉節固不溥思與松柏方逡巡懷德  
風待化誠難忘

懷楊五楚中

洞庭木葉下微波秋盡湘山夕照多八口飢寒空挾瑟頻年寇盜競橫戈  
難從霧裏窺雲日好向江天弄芰荷欲賦遠遊愁隘阨高冠長佩自行歌

懷趙二濟南

十載天涯浪跡同商風今夕又征蓬干戈依舊連江北車轍空聞向海東  
鴻雁孤飛秋影外家山歸夢雨聲中思憑驛使傳消息未信秋來道路通

鬱鬱  
執徐

鬱鬱春多感悠悠日漸舒重陰迷晦朔萬象識盈虛  
雨墨天仍醉田黃水  
上魚自憐千載想託契只琴書

登京口城樓

莽莽烽烟萬里愁星河高處一登樓雷屯大澤盤鱗甲  
雨走空巖洗髓骸  
弧矢春當天北極滄江月共海西流臨深忽作澄清想  
攬轡還期麻九洲  
送郭太守浮海入都

神山不可接向若起高歌目送行舟遠心憐芳草多  
燕齊馳羽箭島嶼送  
鯨波爲鼓龜山操臨風歎斧柯

久別離



別後流光春再度園中花滿櫻桃樹折花思欲贈遠人奈此迢迢隔江渚  
結歡初向青溪頭采桑日日城南隅自謂容華曜朝日甯隨溝水東西流  
飄風不相知花落成青泥東皇叱馭馭遙指西海期庭前漠漠柳絮亂問  
君搖蕩何所之春愁泥人不自得且復望遠臨高臺江皋颯颯多青楓同  
舟曾繫楓樹林尋常攜手不覺好及今嘔笑皆傷心心傷迷望眼曲曲闌  
干轉南浦可憐春水深西洲依舊飛鴻滿不怨日易短但怪寒成暖空林  
展轉月向人覽鏡忽驚顏色變

送魏子入閩

亂峰橫馬首積翠滿仙霞知爾懸車過飛泉百道斜山楓含晝霧瘴雨送  
春笳儻有殘碑在捫蘿剔古厓

贈邱千總

名心坦  
海州人

別來東海水幾度見樽桑愛爾萬夫特曾經百戰場當關憂猛虎歧路歎  
亡羊還與尋仙去乘雲謁帝閭

贈巴陵吳處士詩次曾相國韻卽效其體

紛紛密雨空中筴伊鬱念舊肝腸摧海內學人半彫落巴陵一老哀  
春陰濛濛晝苦睡夢想不到三公槐研經且起闕簡畢頗厭漢宋爭喧  
聽公安坐道雅故持平議論無畸乖十年戎馬暗南國詩書幾欲成秦  
灰東山謝傅爲時出一麾塵尾消沴災衣冠羣集盛桃李湘湖吳越連  
青萊方今中外頌聖相司馬名字懸嬰孩會見郊藪集譽鳳豈慮林壑  
藏狐豺風流更羨好懷抱勳名於我何有哉大開東閣宴朋舊白頭  
車笠無相猜

羣公袞袞競倡和傑句欲挽江河頽葑非謬采及賤子聰明日損良可哀  
管窺六藝略有得志翫日月清駢韞三科九旨究聖緒秋陽江漢明皚皚  
先生聞此應莞爾子真大愚守玉杯陳詩再拜獻左右安得箴砭毛孔開  
復欲從公授原旨請觀周召終幽部

君箸有詩  
因風原指

送曾相國移督直隸二首

元臣作牧重江防 恩詔新移鎮近疆萬戶侯封比高密中興功首在汾  
陽征南早見威弧定宅朔還愁偃伯藏密切看營三輔好 帝心深繫大  
東方

翩然賓從盛南州巨海能容衆壑流扣角自慚非國士搯衣竊喜拜元侯  
無端旌旆飛長道坐對江山愴暮秋異日洞庭歸老去從公問字駕扁舟

贈劉□□

將軍炎漢裔勳業獨殊尤  
韜畧淮徐冠聲名士庶優  
登壇繼壯歲討逆自南州  
百勝全吳越偏師向冀幽  
狼弧鬱滿野蟻賊聚張侯  
屢蹶凶門將幾勞上相猷  
方疑驕醜虜遽爾馘渠酋  
威望羣公倡妖氛一戰收  
朝原清伏莽夜帳肅干振  
部曲皆精銳黔黎賴嗅咻  
饋醪迎道左分味挹河流  
再見鯨鯢戮初聞帶礪酬  
朝廷知倚重隴戶託綢繆  
固授明公鉞爲寬畿輔憂  
由來置兔化必藉腹心謀  
天道雖言退臣心忍乞休  
偶逢歸馬暇便作渡江游  
六代池台古三山塢壁秋  
思尋謝公宅欲泛計然舟  
夙昔親風雅詩篇樂唱酬  
蕤林搜簡冊法物寶盤占  
公藏有說季子盤故動平生慕  
因懷半刺投布衣居上坐  
長揖導登樓自愧材能劣  
深承顧盼周重洋兵未弭  
五餌策

空籌鐵弩迎潮怯金錢擲化浮何緣驅虎豹共惜散貔貅

時有撤淮  
勇之議

當午

金星見經霜木實稠災祥天預告崩裂地先愁

九月望後  
連日地震

奮袂英雄在揚

戈士卒道鬼方終撻伐廟算待諮諏會觀兼圻任還忻七萃留破羌軍足  
仗選武衆爭求佇看功成去烟波逐鷺鷗

春望

屠維大  
荒落

海水流春去凭高動遠愁從知秦士賤何效杞人憂郊草生兵甲邊星射  
戍樓豈容天宇內响沫有浮漚

一鶴寄凌瑕

一鶴孤飛去哀鳴聲向空蒼蒼凌大漠獵獵動悲風毛羽摧頽久方員想  
像中莫吟遼海怨戎馬正彎弓

贈劉子

碧眼睚眦客來乘九萬波中原天似醉壯士淚成河何地容棲泊空懷隱  
薜蘿羣方盛秋教禹服歎如何

古詩四首

旭日將高春攬衣步崇岡抽予心所思窈眇復回皇回皇視雲表中有冥  
鴻翔俯顧絕淵隅高峰凌天閭天閭列九重虎豹儼成行浮雲隨百靈出  
入殿中箱高冠飄翠袂氣志清且揚稽首拜玉皇聖壽祝無彊天公與鬼  
母各各東西藏升平奏長清妖姬羅芬芳好劑不咸池變酒盈千觴

上有孤飛鳥下有愁思人閉帷守微幕耿耿鬱不伸九衢上青天雲葆訝  
朱輪悠悠何所期東海揚清塵願得揮手去去去凌蒼旻仰希超世士冀

以知道眞王澤不瑕殄孔藉有逸民願景還自憎患此今日身

王治久滅絕壁書有遺文人我性不齊三物教斯民兵農與禮樂錯置難  
具陳屯蒙飲食始區畫何其勤耆儒譚太極安識此本根烏呼聖不作誰  
與別僞眞

役役趨四門翔步何膾膾呀晤要人爵徒開聲利場□□□□寸言欺  
□□君不見黃河之水十丈深駭浪倒注魚龍吟中有日出當君心

魯監國墓

墓在金門  
城東齊山

翠華終不復渴葬此青山遺得雲根石高懸海宇間

去墓里許有大湖  
上采采怪石號鼓岡

王所書漢影雲  
根石刻在焉

荒榛蔽雲日窮鳥限閭蠻佞法陽秋筆書王未敢刪

十州

十州三鳥外聞有釣鼈翁我欲從之去乘風度碧空虛無凌倒景耿介託  
奇踪遙望齊州內蟲沙積處同

羣鳥

羣鳥啼啞啞日暮杳安之聲入枯桐慘風號萬木悲幽憂憐此際冥報定  
何時彷彿任公子寒冬葛帳支

麻麻

麻麻青天上何年種白榆沈沈滄海底有淚泣珊瑚刖足誠堪痛盟心誰  
可輸牛羊日夕下樵斧滿平蕪

贈鄆儀

皓月臨房櫳娟娟流輝光美人怨遙夜當窗織流黃圓精忽淪沒萬象昏



陰芒馮高視海水羣飛蔽天杭黃鵠迷再舉浩然思故鄉天風仁中路解  
靚遇鳳皇漂搖念黃鵠哀鳴殊未央末由絕四海豺虎方縱橫黃鵠辭鳳  
皇垂翼當風揚岐山竹實枯風獨何翱翔斑斕五色羽安知誠不祥爰居  
響鐘鼓鸞鷗游榆枋西歸懷好音隨鳳鳴朝陽

別鄧儀

十五圍圍月如何逼歲關孤根搖落易良友別離難浮海思高蹈臨河發  
浩歎閩南烟瘴地棲息愼加餐

表哀

昭陽大  
湖獻

夢裏慈顏舊相逢哭失聲九原難慰母一死實輕生廬墓知何日飄蓬且  
暫征故鄉不可託盜賊正橫行

哭程貞二首

仲尼傷周室道喪泣獲麟平生數交遊無若君子賢終歲恆杜門能甘原  
憲貧絃歌守四壁于物無所欣吁嗟世俗士賤玉而貴珉焉識所懷寶堪  
爲席上珍昊天何不弔無祿喪斯人百身嗟莫贖零落念遺文凭棺不可  
得一慟八表昏

昔歲同避兵猶然事絃誦與君如驂斬昕夕恆相共無端遠別離掩袂爲  
長慟感君念吾母篋笥勤饋送何期閩海歸君已閉邱壠父喪哀毀卒至  
行彌足重嗟予抱至痛念此涕如涌伯道可無兒立後期賢仲吳羌山高  
高餘不谿漚漚何由報君德片石銘孤冢

盛林留別

白衣相送此何時烏咽前谿水更悲他日天涯懷舊侶海雲江樹總迷離  
投管處士慶祺兼懷徵君先生  
時先生避地無錫

柴門剝啄幾經過回首南園恨若何垂老先生猶在莽陳詩弟子痛非我  
間關百里行荒徼向若孤帆目逝波差喜幼安留海上藜牀阜帽尙絃歌  
重遊閩中留別勞權凌瑕諸子二首

臨歧堪一慟衰絰尙隨身莽莽無家別悠悠行路人飄零厭塵土去住戀  
交親失憶高堂在依閩正苦辛

今日登樓望堪憐異昔時平蕪一以綠獨客淚連絲氣誼窮交在酸辛別  
酒持當杯吾未忍今夕是孤兒

偕楊舍人希閔遊道山

出門望秋山澹遠明素心故人命駕至招往城南岑孤根拔地起直上何  
區嶽高參旂鼓列俯挹滄溟深樓台噓蜃氣隱見重厓陰緬懷李少監遺  
石留至今陵谷累變遷神物無銷沈自從海鳥來萬怪相侵尋馮望樹神  
州輪困氣填膺狂濤揚大鯨欲射無良弓昨夜長庚明寒芒陵井參滔滔  
事非一人力誰能任安知東南海不見成蹊涔顧瞻望鄉國倦眼罷登臨  
安能隨黃鵠四海揚遠音

憶阿連二首

舊僕陸  
昇小字

患難相攜久殷勤誰復如精心調藥餌觸手整琴書聰慧真憐汝窮愁可  
解余烽烟三歲別每憶淚盈裾

倉皇羣盜至負我出城闈念此魂猶悸當時汝獨親推遷頻旅食喪亂有

吾身今日滄浪水荒亭非故春

得倪士瑋粵中書

尺素今朝至離情間歲深淒迷衰世感宛轉故人心杳杳羅浮夢哀哀澤  
畔吟風濤接窮島天海有遺音

十一月二日夜夢亡姊作二首

昔年同避難賴姊實經營咫尺驚烽火分離判死生吳門浮短櫂碧海痛  
長征此夕天南夢尋思淚欲橫

夜台應念我入夢淚痕新骨月亡三口漂零賸一身皋魚長掩泣宜曰不  
逢辰從此故園樹年年慘不春

客邵武贈周十二司馬

歲云莫矣百卉零客行躑躅愁荒城城荒黯澹日無色將夕妖狐空拜月  
熙春山色黝然昏平明並馬出西門四郊多壘大夫辱陽春大酺天下樂

順德鄧實校刊

謫學堂遺集補遺

景祐六壬神定經跋

楊維德六壬神定經久不見箸錄搗叔于都市得明鈔殘帙二卷際予其中釋肇度日度諸篇以日所差分定月將起訖不徒如今世用中氣法餘皆臚舉舊文無南宋後術士意造之言可貴也自先後天說行易首受其禍支流餘裔波及壬遜諸家箸書者類牽合陳邵以自重而古法亡矣安得此書全出舉其大要以正術師也同治乙丑十一月己卯戴望記



順德鄧實校刊